



ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԷ ՆՈՐԻՆ ՍՐԲՈՒԹՅՈՒՆ ԱԼԵՔՍԻՆ ՄԱՅՐ ԱԹՈՌՈՒՄ

Սեպտեմբերի 25-ին, չորեքշաբթի օրը, առավոտյան ժամը 12-ին, Ամենայն Հայոց Վեհափառ Հայրապետի եղբայրական հրավերով, Մայր Աթոռ Ս. Էջմիածին ժամանեց Մոսկվայի և Համայն Ռուսիո Պատրիարք Նորին Սրբություն Ալեքսին:

Նորին Սրբության ուղեկցում էին գավազանակիր հոգեշնորհ Տ. Պղատոն արեղան և Ռուսաց Պատրիարքարանի գործերի կառավարիչ պր. Դանիել Անդրեևիչ Օստապովը:

Երևանի օդանավակայանում Մոսկվայի և Համայն Ռուսիո Պատրիարք Նորին Սրբություն Ալեքսին դիմավորեց Ամենայն Հայոց Վեհափառ Հայրապետը, ի գլուխ Մայր Աթոռի միաբանության, Գերագույն Հոգևոր Խորհրդի անդամների և Երևանի եկեղեցիների բաժանայից դասի:

Ամենապատիվ Տ. Ալեքսի Պատրիարքին դիմավորեց նաև Հայկական ՍՍՌ Մինիստրների սովետին առնթեր Հայ Եկեղեցու գործերի խորհրդի նախագահ պր. Կարլեն Դալլաբյանը:

Այնուհետև Սրբազան Հյուրը առաջնորդվում է Մայր Աթոռ:

Ոսկե աշունը իր հրապուրիչ հմայքն է փռել Արարատյան դաշտում:

Մայրավանքի զանգերը հնչում են հանդիսավոր ու տոնական:

Մայր Տաճարի արևմտյան դռան առաջ, եկեղեցական Թափորով, Նորին Սրբություն Ալեքսի Պատրիարքը և Ամենայն Հայոց Վեհափառ Հայրապետը, Թեմանցով, մուտք են գործում Մայր Տաճար:

Փրկչի Իջման Ս. Սեղանի առաջ երկու քույր եկեղեցիների Սրբազան Հայրապետները միատեղ աղոթում են Սուրբ Եկեղեցու հաստատության և աշխարհի խաղաղության համար:

Մոսկվայի և Համայն Ռուսիո Պատրիարք Նորին Սրբություն Ալեքսիի այս երրորդ ուխտավորությունն է Մայր Աթոռ:

Այնուհետև երկու Հայրապետները առաջնորդվում են Վեհարան:

Մայր Աթոռի միաբանությունն ու բոլոր ներկաները աջահամբույրով բարի գալուստ են մաղթում Սրբազան Հյուրին:

Մոսկվայի և Համայն Ռուսիո Պատրիարք Նորին Սրբություն Ալեքսիի և Ամենայն Հայոց Վեհափառ Հայրապետի միջև տեղի է ունենում ջերմ զրույց մտերմիկ մթնոլորտում:

Ժամը 3-ին, Վեհարանի սեղանատանը, կազմակերպվում է միաբանական ընդունելություն ի պատիվ Ալեքսի Պատրիարքի:

Ընդունելության ժամանակ փոխանակվում են սրտառույշ բաժակաճառեր Ռուս և Հայ Եկեղեցիների հաստատության, պայծառության, ռուս և հայ ժողովուրդների դարավոր բարեկամության և աշխարհի խաղաղության համար:

Սրբազան Հյուրը իր շքախմբով հյուրընկալվում է Վեհարանում:

Սեպտեմբերի 26-ին, հինգշաբթի օրը, առավոտյան ժամը 12-ին, Մոսկվայի և Համայն Ռուսիո Պատրիարք Նորին Սրբություն Ալեքսին և Ամենայն Հայոց Կաթողիկոս Նորին Ս. Օծովյուն Տ. Տ. Վազգեն Ա-ը, իրենց շքախմբերով, Երևանում, Հայկական ՍՍՌ Գերագույն սովետի դահլիճում, քաղաքավարական այցելություն են տալիս Հայկական ՍՍՌ Գերագույն սովետի նախագահության նախագահ մեծահարգ պր. Նազուշ Հարությունյանին:

Ընդունելության ներկա են լինում նաև Հայկական ՍՍՌ Գերագույն սովետի նախագահության նախագահի տեղակալ պր. Վ. Նալբանդյանը, Հայկական ՍՍՌ Գերագույն



Ամենապատիվ Ալեքսի Պատրիարքը Մայր Տաճարում, Իջման Ս. Սեղանի առաջ, հրաժեշտ է տալիս Վեհափառ Հայրապետին և միաբանության:

սովետի նախագահության քարտուղար պր. Ա. Գալստյանը, Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը:

Մոսկվայի և Համայն Ռուսիո Պատրիարք Նորին Սրբություն Ալեքսի, Ամենայն Հայոց Վեհափառ Հայրապետ Նորին Ս. Օծություն Տ. Տ. Վաղդեն Ա-ի և Հայաստանի Հանրապետության պր. նախագահի միջև տեղի է ունենում սիրալիր զրույց ջերմ ձևով:

Հետմիջօրեի ժամը 3-ին, Վեհարանի սեղանատանը, բարձրապատիվ Հյուրի պատվին, կազմակերպվում է հրաժեշտի ընդունելություն:

Ճաշկերույթին ներկա են Գեղազույն Հոգևոր խորհրդի անդամները, Մայր Աթոռի միաբանությունն ու հրավիրյալները, որոնց թվում Մայր Աթոռում ուխտավորաբար գտնվող հայազետ պրոֆ. Ֆրեդերիկ Ֆեդդին:

Ընդունելության ներկա են նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը և տեղակալ պր. Ս. Հովհաննիսյանը:

Սեղանը օրհնում է Վեհափառ Հայրապետը: Այնուհետև ստեղծվում է ջերմ ու սրտագին մթնոլորտ սեղանների շուրջ:

Վեհափառ Հայրապետը Ալեքսի Պատրիարքին է ներկայացնում բոլոր հյուրերին:

Ապա Ամենայն Հայոց Վեհափառ Հայրապետը առաջին բաժակը առաջարկում է խմել Ռուս Պրավոսլավ մեծ Եկեղեցու Պետ, Հայ Եկեղեցու բարեկամ և խաղաղության մարտիկ Ալեքսի Պատրիարքի կենացը, իր խոսքերը համեմելով 1947 թվականից ի վեր Ալեքսի Պատրիարքի հետ ունեցած իր անձնական, մտերիմ հուշերով:

Մայր Աթոռի երիտասարդ վարդապետները հանդիսությունը երգում են ուսանողներն «Շատ տարիներ» մաղթերով:

Մոսկվայի և Համայն Ռուսիո Պատրիարք Նորին Սրբություն Ալեքսի խոսք առնելով, սրտագին շնորհակալություն է հայտնում ջերմ ընդունելության և հյուրասիրության համար և ոգեկոչում է այն տարիները, երբ ինք սովորում էր Մոսկվայի Հաղարյան ճեմարանում և բաժակ է առաջարկում Ս. Էջմիածնի անսասանության և Ամենայն Հայոց Վեհափառ Հայրապետի կենաց արևշատության համար:

Վեհ ու հանդիսավոր հնչում է «Էջ Միածինն ի Հօրէ» շարականը:

Վեհափառ Հայրապետը առաջարկում է խմել հայրենի կառավարության կենաց, ի դեմս Հայկական ՍՍՌ Մինիստրների սովե-

տին առընթեր Հայ Եկեղեցու գործերի խորհրդի նախագահ պր. Կ. Դալլաբյանի և տեղակալ պր. Ս. Հովհաննիսյանի, ընդգծելով, որ ստեղծված օրինական և գործնական պայմանների մեջ, Հայ Եկեղեցին իր հոգևոր առաքելությունը կատարում է հաջողությամբ և խնդրում է պր. Դալլաբյանին իր երախտագիտական զգացմունքների թարգմանը լինել հայրենի բարեխնամ կառավարության ղեկավարների մոտ:

Ողջունի և շնորհակալության ջերմ խոսք է ասում նաև հայրենի կառավարության ներկայացուցիչը՝ Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը, ընդգծելով ոռոս և հայ եղբայրական ժողովուրդների դարավոր բարեկամության անխախտելի միությունը, հայ ժողովրդի արդի վերազարթոնքի մեջ ոռոս մեծ ժողովրդի անշահախնդիր աջակցությունը, Ռուս և Հայ Եկեղեցիների Պետերի՝ Ալեքսի Պատրիարքի և Վազգեն Ա Ամենայն Հայոց Հայրապետի ջանքերը ի նպաստ խաղաղության:

«Գարուն Երևան, սիրուն Երևան» խմբերգը հայրենասիրական նոր ոգևորություն է արթնացնում ներկաների սրտերում:

Հրաժեշտի պաշտոնական ընդունելությունը վերջանում է խմբովին երգված Տերունական աղոթքով:

Երեկոյան ժամը 6-ին, Ալեքսի Պատրիարքը և Ամենայն Հայոց Վեհափառ Հայրապետը

Մայր Տաճարում ներկա են լինում երեկոյան ժամերգության:

Մայր Տաճարի երգեցիկ խումբը, ի պատիվ Սրբազան Հյուրի, կատարում է Կոմիտասյան սուրբ պատարագի երգեցողությունից հատընտիր համարներ, ինչպես նաև մի քանի ոռոսական հոգևոր երգեր:

Ժամը 9-ին, Մոսկվայի և Համայն Ռուսիո Պատրիարք Նորին Սրբություն Ալեքսին իր շքախմբով Վեհարանում դիտում է 1962 թվականի Ազգային-եկեղեցական ժողովի հանդիսություններին նվիրված «էջմիածին» գունավոր ֆիլմը:

Սեպտեմբերի 27-ին, ուրբաթ օրը, երեկոյան ժամը 5-ին, Մոսկվայի և Համայն Ռուսիո Պատրիարք Նորին Սրբություն Ալեքսին, իր շքախմբով, հրաժեշտ է առնում Ամենայն Հայոց Վեհափառ Հայրապետից և մեկնում Մոսկվա:

Բարձրապատիվ Հյուրին անձամբ ճանապարհում է Ամենայն Հայոց Վեհափառ Հայրապետը Երևանի օդանավակայանում, շրջապատված միաբանության, Գերագույն Հոգևոր Խորհրդի անդամներով:

Մոսկվայի և Համայն Ռուսիո Պատրիարք Նորին Սրբություն Ալեքսին ճանապարհում է նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը:

Բարի ճանապարհ Մայր Աթոռի թանկագին հյուրերին:

